



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-49-2-1072/15  
Datum: 18.05.2015. godine

**OPĆINSKO VIJEĆE  
T E Š A N J**

**PREDMET:** Informacija o radu javnih preduzeća kojima je osnivač općina Tešanj za 2014.godinu,-

Informacija o poslovanju javnih preduzeća Općine Tešanj za 2014. godinu predstavlja kratak presjek najznačajnijih aktivnosti preduzeća u protekloj godini te daje pregled osnovnih finansijskih pokazatelja poslovanja na osnovu izvještaja o poslovanju za 2014. godinu. Predsjednicima klubova političkih partija dostavljeni su Izvještaji o radu društva sa Finansijskim izvještajem i Mišljenjem neovisnog revizora (član 6. Zakona o JP: Skupština podnosi Opštinskom vijeću izvještaj o radu i poslovanju).

Općina Tešanj, odnosno Općinsko vijeće Tešanj osnivač je tri javna preduzeća:

1. JP „RAD“ d.d.
2. JP TOPLANA d.d.
3. Agencija za razvoj općin Tešanj „TRA“ d.o.o.

**JP „RAD“ d.d.**

U izvještajnom periodu 01.01. do 31.12.2014. godine JP “RAD” d.d. Tešanj obavljalo je svoje poslovne aktivnosti uspješno. U oblasti vodosnadbijevanja tokom posmatranog perioda uspješno je isporučeno 1.062.005 m<sup>3</sup> vode. Imajući u vidu činjenicu da je 2014. godina bila izuzetno kišovita, nije bilo restrikcija kod isporuke vode. Gubitci u mreži su smanjeni u odnosu na prethodnu godinu tako da su na nivou preduzeća iznosili 30,42%. Svi kvarovi su odmah otklanjani, ali zbog starosti vodovodnog sistema teško je smanjiti gubitke bez značajnijih ulaganja. Na kraju izvještajnog perioda evidentirano je 6.844 korisnika usluga vodosnadbijevanja. Nakon što je Općina Tešanj, u cilju obezbjeđenja dodatnih količina vode okončala investiciju izgradnje bunara Miljanovci izvršena je primopredaja JP “RAD” na upravljanje; u saradnji sa Općinom Tešanj pripremljena projektna dokumentacija za dva nova probno-eksploataciona bunara u Jelah-polju (u toku rješavanje imovinsko-pravnih odnosa); izvršena rekonstrukcija dijela vodovodne mreže - 300 m u ulici Ali-paše Hećimovića, do kraja šestog mjeseca tekuće godine očekuje se završetak rekonstrukcije i preostalog dijela ulice; krajem 2014. godine sa Općinom Tešanj potpisan ugovor o izgradnji potisnog cjevovoda Medakovo-Trepče u vrijednosti 175.000 KM.

U oblasti odvodnje otpadnih voda evidentirano je 2.788 korisnika kanalizacionog sistema koji je adekvatno održavan u toku 2014. godine.

U oblasti komunalne higijene grada i naseljenih mjesta aktivnosti su vršene u skladu sa ugovorenim obuhvatom. Prikupljanje, prijevoz i deponovanje komunalnog otpada vršeno je redovno na prostoru cijele Općine, izuzev MZ Šije gdje prijevoz vrši JP “VIS” Doboju-jug. Na kraju 2014. godine

evidentirano je 5.777 korisnika usluga prikupljanja, prijevoza i deponovanja komunalnog otpada, od kojih je preuzeto 7.350 tona komunalnog otpada. U posmatranom periodu došlo je do povećanja za 140 novih korisnika.

U prikupljanju PET ambalaže, preduzeće je prikupilo 24.512 kg a škole u saradnji sa udruženjem Ekopladi 16.230 kg, što znači da je reciklirano 41.230 kg PET ambalaže.

Pored naznačenih aktivnosti, preduzeće je obavljalo i slijedeće poslove: aktivno učešće u izradi projektnih zadataka za izradu studije izvodljivosti uređaja za tretman otpadnih voda, za izradu projekta dijela primarnih kolektora kanalizacione mreže, za izradu projekta sekundarne kanalizacione mreže za urbana područja te za sekundarnu i tercijalnu kanalizacionu mrežu kao i na reviziji navedene dokumentacije; aktivno učešće predstavnika preduzeća na projektima koje vodi Općina Tešanj a koji su iz oblasti za koje je nadležno komunalno preduzeće.

Smjernicu o imenovanju Odbora za reviziju a u cilju sprečavanja nepravilnosti evidentiranja, rizičnih područja i poduzimanja blagovremenih korekcija, preduzeće je realizovalo.

Smjernica Općinskog vijeća o povećanju kapitala društva za objekte koji su predani na upravljanje preduzeću, a koji se evidentiraju kao donirana sredstva, u pripremnim je fazama za realizaciju. Na knjigovodstvenim stavkama dugoročna rezervisanja još uvijek se vode nekretnine-postrojenja i oprema koji su ustupljeni bez naknade na upravljanje preduzeću. Zbog nepostojanja prakse povećanja kapitala javnih preduzeća, JP "RAD" se obratilo zahtjevom za tumačenje Komisiji za vrijednosne papire FBiH. Potvrđeno je da se povećanje kapitala i ostale procesne radnje obavljaju pred Komisijom za vrijednosne papire na osnovu Odluke koju na prijedlog Nadzornog odbora donosi Skupština društva.

U 2014. godini ostvareni su ukupni prihodi u iznosu od 3.214.213 KM i veći su za 3,46 % u odnosu na prihode ostvarene u 2013. godini. U posmatranom periodu zabilježen je rast broja korisnika usluga komunalnog preduzeća u oblasti vodosnadbijevanja, odvodnje otpadnih voda i komunalnog otpada. Bitno je napomenuti da su prihodi od osnovnih djelatnosti društva zabilježili rast i to u dijelu vodosnadbijevanja 1,02% i prikupljanje, prijevoz i deponovanje otpada za 3,07%, dok je pad zabilježen kod prihoda od distribucije otpadnih voda – 2,09%.

U istom periodu ostvareni su ukupni rashodi u iznosu od 3.162.893 KM i veći su za 2,53% u odnosu na rashode ostvarene u 2013. godini. Kako je povećanje ukupnih prihoda pratilo značajno manje povećanje ukupnih rashoda, preduzeće je ostvarilo dobit u iznosu od 45.232 KM. Odlukom Skupštine društva o raspodjeli dobiti za 2014. godinu, gubitak u poslovanju preduzeća iz ranijih godina koji je iznosio 16.928,01 KM pokriven je u cjelosti, 20% dobiti – 9.046,50 KM izdvojeno u obavezne rezerve, a ostatak u iznosu od 19.258,02 KM izdvojen na konto neraspoređene dobiti - povećanje kapitala.

U protekloj godini preduzeće je zapošljavalo 81 radnika koji su ostvarili prosječnu neto platu u iznosu od 864 KM, prosječna ukupna primanja po zaposlenom su iznosila 1.196 KM. Posljednja isplaćena maksimalna plata je iznosila 2.304 KM, dok je isplaćena najmanja plata u iznosu od 487 KM.

Početkom 2014. godine sa Sindikalnom organizacijom i Vijećem uposlenika zaključen je anex sporazuma o korekciji koeficijenta složenosti poslova koji je potpisan za 2012. godinu a po kome su naknadno verifikovane isplate plaća uposlenim u 2013. godini uz korekciju koeficijenta složenosti na nivou od 90% od predviđenih granskim kolektivnim ugovorom, uz primjenu minimalne stanice u iznosu 2,14 KM. U skladu sa promjenama u granskom kolektivnom ugovoru podnešen je zahtjev od strane Sindikalne organizacije i Vijeća uposlenika za korekciju minimalne satnice na 2,35 KM. Razgovori su vođeni sa Sindikatom i Vijećem uposlenika i za očekivati je da će u prvoj polovini tekuće godine biti postignut sporazum.

Zaključkom Općinskog vijeća koji se odnosi na poboljšanje kvaliteta usluga u oblasti komunalne djelatnosti, bilo je nužno obezbijediti viši tehnički nivo podrške utemeljen na informatičkoj, elektronskoj podršci sa transparentnim mehanizmima praćenja zadovoljstva korisnika i njihov uticaj na željeno poboljšanje. JP "Rad" anketu zadovoljstva korisnika provodi u skladu sa standardima ISO certifikata, jednom godišnje. Rezultati ankete objavljeni su kao vijest u mjesecu februaru 2015. godine.

Nadzorni odbor preduzeća u toku protekle godine održao je 10 sjednica, o čemu je redovno izvještavao Općinu. Nadzorni odbor je mišljenja da je Izvještaj o poslovanju za 2014. godinu svebuhvatan i na analitičan način prikazao poslovanje preduzeća.

## **Zaključci i smjernice Općinskog vijeća Tešanj za JP „RAD“ d.d. u 2015. godini**

---

1. Izvršiti povećanje kapitala društva za objekte koji su predani na upravljanje preduzeću, prema proceduri Komisije za vrijednosne papire.
2. Nastaviti aktivnosti na proširenju obuhvata prikupljanju otpada i selekciji iskoristivog otpada.

### **JP „TOPLANA“ d.d.**

---

U skladu sa zaključcima Općinskog vijeća i planovima o poslovanju JP “Toplana” d.d. Tešanj u toku 2014. godine aktivnosti su trebale biti usmjerene naročito na: okončanje realizacije projekta toplifikacije užeg dijela grada Tešanj-Čaršija (grana IX), na poboljšanju naplate potraživanja, te na iznalaženje načina kako bi se vratili stari korisnici toplotne energije u Industrijskoj zoni Bukva.

Poslovanje u toku 2014. godine odvijalo se u složenim uslovima, ali je zahvaljujući angažmanu svih uposlenika i izuzetnom angažmanu Nadzornog odbora i Direktora preduzeće ostvarilo pozitivan finansijski rezultat u iznosu od 19.783,00 KM.

U posmatranom periodu JP “Toplana” d.d. Tešanj ima ukupno 644 korisnika usluga (72 privredna objekta i 572 fizička lica i institucije), a ukupno grijana površina iznosi cca 72.955 m<sup>2</sup> koji u strukturi čini 32.883 m<sup>2</sup> stambenog prostora, 28.882 m<sup>2</sup> poslovnog i 11.190 m<sup>2</sup> proizvodnog prostora. U toku 2014. godine zbilježen je porast broja korisnika od 6,8 % (41 korisnik) sa ukupnom kvadraturom od 3.304,6 m<sup>2</sup>.

Povećanje broja korisnika ostvareno je zahvaljujući realizaciji zacrtanih ciljeva za 2014. godinu, a prije svega realizaciji projekta toplifikacije Grana IX Čaršija-Tešanj i priključenje novoizgrađenih objekata na daljinsko grijanje – Musala, Krndija i Katanga (Hrvić-Gradnja).

Jedan od zacrtanih ciljeva za 2014. godinu odnosio se na poboljšanje naplate potraživanja i to na nivou većem ili jednakom 70% dospjelih a nenaplaćenih potraživanja. Cilj je u cjelosti realiziran, procenat naplate iznosi 81%.

U posmatranom periodu nastavljen je realizacija Plana finansijskog i operativnog restrukturiranja sa mjerama za sanaciju i pokriće gubitka iz poslovanja vremenskog perioda 2008.-2011. godina. Sa realizacijom ovog plana započelo se u 2013. godini a realizacija Plana sanacije nastavljena je i u 2014. godini. I pored činjenice da je poslovni rezultat ostvaren u 2014. godini omogućio nastavak realizacije Plana sanacije, potrebno je naglasiti da su se nešto značajnije razlike pojavile kod planiranih prihoda i rashoda u skladu sa Planom sanacije i onih koji ostvareni. Naime ostvareni su veći ukupni prihodi od planiranih dok je na stavci sirovina i materijala te troškova rezervnih dijelova (veći broj kvarova na kotlovskim postrojenjima) došlo da značajnog odstupanja.

U toku protekle godine u preduzeću su učinjeni značajni naponi da se realizira cilj vraćanja starih korisnika na daljinsko grijanje, a naročito preduzeća iz Industrijske zone Bukva. U tom smislu prioritet je dat u pokušaju vraćanja MANN Hummel-a kao korisnika toplotne energije. Razgovori su u toku i u narednom periodu se očekuje uspješno privođenje kraju istih. Ukoliko se ova aktivnost uspješno okonča ovo će značiti vraćanje strateškog kupca.

U toku 2014. godine „Toplana“ je ostvarila ukupne prihode u iznosu od 1.652.288 KM što je 4% više nego u 2013. godini, uz ostvarene rashode od 1.632.505 KM ili 4% više nego u prethodnoj godini. U posmatranom periodu nastavljen je trend smanjenja troškova za utrošenu električnu energiju i vodu, smanjenjem gubitaka na vrelodnoj mreži kao i mjerama štednje.

U toku 2014. godine nije bilo novog zapošljavanja, broj zaposlenih je smanjen sa 23 na 22 uposlenika. U izvještajnom periodu posljednja isplaćena minimalna plata u iznosu od 505 KM kao i posljednja maksimalna plata u iznosu od 2.320 KM su na prošlogodišnjem nivou. Prosječna ukupna primanja po radniku ostvarena su u iznosu od 1.203,80 KM i veća su za 3,5 % u odnosu na prethodni izvještajni period.

Izvještajem nezavisnog revizora o provedenoj reviziji finansijskih izvještaja za obračunski period 01.01. do 31.12.2014. godine konstatovano je da kod potencijalnih obaveza i rezervisanja treba voditi računa da treba rezervisati sredstva jer preduzeće još uvijek ima aktuelan jedan spor koji se vodi sa bivšim direktorom društva (“Toplana” osporava dio presude koji se odnosi na dio doprinosa za period

u kome je bivši direktor bio nagažovan kao uposlenik srednje škole), i isplata po presudama u iznosu od 53.000 KM. "Toplana" ima i potraživanja u vrijednosti od 169.795 KM starija od godinu dana. Najznačajniji dio ovih potraživanja odnosi se na "Pobjeda" d.d. Tešanj u iznosu od 111.225 KM za koja je zaključen sporazum o otplati duga a za preostali dio potraživanja izvršeno utuženje.

Nadzorni odbor JP „Toplana“ u 2014. godini održao je 10 redovnih i jednu vanrednu sjednicu i na taj način vršio kontinuiran nadzor nad radom i poslovanjem društva i Uprave, uz redovno izvještavanje Općine. Izvještaj o poslovanju za proteklu godinu je usvojen uz sugestiju za dalje povećanje broja kupaca. Nadzorni odbor je usvojio izvještaj nezvisnog revizora sa datim mišljenjem i smjernicama. U svojim planovima za tekuću 2015. godinu, istaknuta je potreba davanja maksimalne podrške projektu Toplifikacije Općine Tešanj obnovljivim izvorima energije u sklopu regionalnog projekta "Toplifikacija Pousorja-Općine Tešanj, Usora i Doboj-Jug izvorima obnovljive energije". Uz Općinu Tešanj na projektu su angažovani partneri: USAID/Sida Gold Projekt, Toplana, TRA-Agencija za razvoj općine Tešanj, Ministarstvo za privredu ZE-DO kantona.

Zaključkom Općinskog vijeća koji se odnosi na poboljšanje kvaliteta usluga u oblasti komunalne djelatnosti, JP "Toplana" anketu zadovoljstva korisnika provodi u skladu sa standardima ISO certifikata, jednom godišnje. Aktuelna je anketa na zvaničnoj web stanici društva, putem koje građani mogu da se izjasne da li su zadovoljni uslugom kvaliteta grijanja.

### **Zaključci i smjernice Općinskog vijeća Tešanj za JP „TOPLANA“ u 2015. godini**

1. Sanacija deponije šljake kao uslov produženja/dobijanja okolinske dozvole za rad "Toplana",
2. Kao trajan proces zadržati dostignuti stepen naplate (81%) uz ulaganje dodatnih napora na povećanju procenta naplate potraživanja,
3. Učiniti dodatne napore kako bi se vratili stari korisnici toplotne industrije u Industrijskoj zoni Bukva - težište dati na privredna društva koja gravitiraju neposredno uz postojeće vrelovodne instalacije.

### **Agencija za razvoj općine Tešanj „TRA“ d.o.o.**

U skladu sa zaključcima Općinskog vijeća Tešanj, poslovna aktivnost Agencije za razvoj Općine Tešanj "TRA" d.o.o., trebala je biti usmjerena na aktivnosti pripreme i implementacije projekata i projektnih aplikacija za potrebe realizacije strateških opredjeljenja Općine, javnih preduzeća i javnih ustanova, nastavku aktivnosti na uspostavi funkcionalnog servisa podrške domaćim i stranim investitorima te u skladu sa dugoročnim ciljevima Agencije intenzivirati aktivnost na uspostavi Općinskog razvojnog vijeća a u cilju poboljšanja javno-privatnog dijaloga i partnerstva.

Realizacija postavljenih ciljeva odvijala se kroz pripremu 17 projektnih prijedloga i aplikacija koje je Agencija samostalno ili u saradnji sa drugima pripremila i kandidovala ili na kojima je bila podrška Općini Tešanj. U toku 2014. godine Agencija je kandidovala ukupno 15 projektnih aplikacija prema različitim donatorima. Od toga, u 11 aplikacija aplikant je bila Agencija, a u 4 slučaja Općina Tešanj ili neka druga institucija kojoj je osnivač Općina. Nakon provedene evaluacije, 9 aplikacija je odobreno, 1 aplikacija odbijena, 6 aplikacija se nalazi u postupku rješavanja i pripreme dok je jedan projekt implementiran.

1. Projekt "Uspostava Centra za obrazovanje odraslih". Ukupna vrijednost projekta je 141.076,34 KM dok je vrijednost granta 110.230 KM. U sklopu realizacije projekta u toku 2014. godine registrovan je "Centar za obrazovanje odraslih" kao organizaciona jedinica "TRA". Od 30 kandidata koji su završili obuku, 29 je zasnovovalo radni odnos.

2. Projekt COBEAR - U okviru javnog poziva Delegacije Evropske unije u BiH Agencija je u partnerstvu sa Općinom Teslić, Razvojnoum agencijom Žepče i Udruženjem privrednika Biznis centar Tešanj-Jelah izradila projektnu aplikaciju iz oblasti lokalnog ekonomskog razvoja. Projektna aplikacija je uključivala aktivnost za unapređenje povoljnog poslovnog ambijenta i jačanje konkurentnosti mikro, malih i srednjih preduzeća na području općina Tešanj, Teslić i Žepče. Ukupna vrijednost projekta je 1.029.892,45 KM od čega grant sredstva čine 859.681,06 KM. Projekt je u fazi realizacije.

3. Podizanje zasada maline na području općine Tešanj – Projekt je finansiran od strane humanitarne organizacije Al Qataria iz Katara. Sa realizacijom se započelo u mjesecu septembru 2014. godine i po ugovoru je bilo planirano podizanje 37 novih zasada maline površine po 2 dunuma. U toku 2014. godine podignuta su 44 zasada i 6 zasada u toku 2015. godine. Ukupna vrijednost projekta je 280.874,13 KM i sva sredstva su grant sredstva. Projekt je u fazi realizacije.

4. Obuka radne snage - Projektom je predviđena realizacija programa obuke za CNC operatere, nabavka dodatne opreme za potrebe rada Centra za obrazovanje odraslih, promocija rada Centra te izrada brošure-udžbenika za CNC operatera. Projekt je finansiran od strane Federalnog ministarstva razvoja, poduzetništva i obrta u vrijednosti od 15.000 KM. Projekt je u fazi realizacije.

5. Lokalna donacija za potrebe rada Centra za obrazovanje odraslih – Projektom je predviđena realizacija projektnih aktivnosti s ciljem poboljšanja rada u Centru za obrazovanje odraslih. Predviđena je realizacija programa obuke, nabavka mjernih instrumenata za potrebe izvođenja dijela obuke u Centru, štampanje udžbenika i literature za programe obuke CNC operatera, mehatroničara i 3D printanja.

6. Izrada idejnog i glavnog projekta za sanaciju postojeće deponije komunalnog otpada “Bukva” - Agencija je u saradnji sa JP “RAD” dd Tešanj pripremila i izradila projektnu aplikaciju za poziv Federalnog ministarstva okoliša i turizma. Projektna aplikacija se odnosi na sanaciju postojeće deponije komunalnog otpada “Bukva”. Implementator projekta vrijednog 55.000 KM je JP “RAD” dd Tešanj.

7. Projekt sanacije klizišta Hrvatinovići – Agencija je u saradnji sa Općinom Tešanj pripremila projektnu aplikaciju na poziv norveške ambasade u okviru pomoći poplavljenim područjima u BiH. Projektom je planirana sanacija klizišta u Hrvatinovićima gdje je došlo do presijecanja asfaltnog puta koji povezuje grad i naseljena mjesta Tugovići i Ripna. Sredstva u iznosu od 48.177 KM su odobrena ali nisu iskorištena obzirom da je izvršena sanacija klizišta prije odobranja traženih sredstava.

8. Projekti na program PRO budućnost – PRO Budućnost finansira Američka agencija za međunarodni razvoj (USAID) u visini od 1 milion USD na period od 4 godine, a implementira ga Catholic Relief Services u saradnji sa Fondacijom Mozaik, Caritasom Biskupske konferencije BiH, Forumom građana Tuzla i Helsinškim parlamentom građana Banjaluka. Tešanj je odabran među 30 općina u kojima se implementira navedeni projekt, uz partnersku općinu Teslić. Agencija je implementator projekta tokom 2014. godine. Vrijednost projekta je 24.050,96 KM i realizacija je u toku.

9. REELIH projekt- HABITAT – Projekt energetska efikasnost stambenih zgrada za kućanstva manjih primanja u toku 2014. godine, a u prvoj fazi realizacije projekta aktivnost je bila usmjerena na istraživanje stanja i nivoa znanja članova etažnih vlasnika po pitanju građevinskih intervencija i mjera energetske efikasnosti. Nakon provedenog postupka odabrana je privatna stambena zgrada na adresi Trg Alije Izetbegovića bb (u prizemlju je smješten BH Telekom) i ovo će biti prvi objekt sa važećim certifikatom izdatim od nadležne institucije za energetska efikasna objekta. Ukupna vrijednost projekta je 50.000 KM, donacija čini 30.800 KM.

10. Izgradnja objekta za fizikalnu medicinu i rehabilitaciju – Agencija je pripremila projektnu aplikaciju na kojoj je JU Dom zdravlja nosilac aktivnosti a koje se odnose na proširenje kapaciteta i unapređenje usluga Doma zdravlja. Cilj projekta je obezbjeđenje adekvatnog prostora za potrebe fizikalne medicine i rehabilitacije. Projekt je apliciran prema Japanskoj ambasadi. Ukupna vrijednost projekta je 91.267,34 KM.

11. Izrada projektnog prijedloga na START (Danube Region Project Fund), PR2 – Agencija je u saradnji sa Sisačko-moslavačkom županijom, Razvojnom agencijom Zgornje Gorenjsko i Simbio doo iz Slovenije pristupila izradi projektnog prijedloga na temu upravljanja komunalnim otpadom, odnosno na kreiranje kampanje o podizanju svijesti upravljanja komunalnim otpadom i primjena kampanje na javni/privatni sektor te širu javnost. Projekt je vrijednosti 81.111 KM i u fazi je ocjenjivanja.

12. Izrada projektnog prijedloga na START (Danube Region Project Fund), LOKOMOTIVES- Agencija je u saradnji sa partnerima iz Mađarske i Hrvatske pripremila i prijavila projekt koji ima za cilj promociju zajednice kroz integrisani razvoj održivog turizma na lokalnim prirodnim i kulturnim resursima. Vrijednost projekta je 86.801,80 i u fazi je ocjenjivanja.

13. Poslovni plan za plasteničku proizvodnju - Agencija je u saradnji sa fondacijom BIGMEV pripremila poslovni plan plasteničke proizvodnje, koji bi trebao biti prezentovan potencijalnim turskim investitorima. Vrijednost projekta je 1.000.057 KM. Plan je pripremljen.

14. Obuka operatora na CNC mašinama – Projektna aplikacija je pripremljena na poziv za dostavu projektnih prijedloga od strane GOLD projekta. Projektom je predviđena nabavka kontrolne

jedinice za CNC mašinu, nabavka rezervnih dijelova za postojeću CNC mašinu te nabavka softvera. Ukupna vrijednost projekta je 91.506 KM od čega donacija predstavlja 44.591 KM. Projekt je u fazi ocjenjivanja.

15. Obuka radne snage u tekstilnom sektoru-dvije projektne aplikacije – Na grant program GOLD projekta kandidovane su dvije projektne aplikacije a aplikanti su Agencija i Udruženje privrednika “Biznis Centar” koje su u fazi evaluacije. Projekti se odnose na obuku radne snage u tekstilnom sektoru i to obuka šivača i obučara. Predviđena je obuka 65 kandidata za potrebe firmi Napredak i Alpina bromy. Ukupna vrijednost projekta je 194.620 KM od čega donaciju čini 134.730 KM. Projekt je u fazi ocjenjivanja.

16. EU Akademija, budućnost Europe od A do Ž – Projektom je predviđena organizacija radionica na temu: cjeloživotno učenje i obrazovanje odraslih, proširenje članstva EU, promocija socijalnog aktivizma i solidarnosti kao osnova za budućnost EU i dr. Projektne aktivnosti bi se realizirale u zemljama članicama partnerskog konzorcija projekta: Slovenija, Srbija, Crna Gora, Malta i Italija. Vrijednost projekta je 239.589,17 KM i projekt je u pripremi.

17. Business Info Desk BID – Na poziv Norveške ambasade prijavljen je ovaj projekt, kome je cilj privlačenje stanih investitora, povezivanje privrednika naše općine sa privrednicima iz okruženja kroz organizovanje B2B susreta. Vrijednost projekta je iznosila 41.000 KM. Projekt je odbijen jer je Norveška ambasada nakon prošlogodišnjih poplava sredstva preusmjerila u sanaciju šteta od poplava, pa su prijavljeni projekti odbijeni.

Realizacija cilja u području javno privatnog dijaloga ostvarena je uspostavom Savjeta za lokalni ekonomski razvoj (SLER) općine Tešanj za koji su sve pripadajuće dokumente izradili predstavnici Agencije. Agencija je tehnički sekretarijat SLER-a. Pored pobrojanih aktivnosti Agencija je bila angažovana na izradi dvije sektorske analize konkurentnosti u sektorima metaloprerade i prehrambene industrije.

U cilju dalje realizacije zadatih ciljeva, potrebno je napomenuti da je Agencija u okviru promocije privrednih potencijala, teritorijalnog marketinga i investicija ostvarila saradnju sa organizacijama kao što su: GIZ Prolocal, Aftercare, USAID/Sida Gold i BIGMEV.

Aktivnosti obuke i obrazovanja okončane su osnivanjem Centra za obrazovanje odraslih Tešanj. Ugovorom o saradnji između Agencije, Centra i tri srednje škole definisani su oblici međusobne saradnje na implementaciji zajedničkih projekata iz oblasti neformalnog obrazovanja kao i način korištenja opreme. Predstavnici Agencije su tokom 2014. godine imali značajno učešće u radu organizacija i foruma sa ciljem uspostave međunarodne saradnje i uspostave kontakta i partnerstva neophodnog u radu i funkcionisanju Agencije.

U svom poslovanju Agencija je u toku 2014. godine ostvarila ukupne prihode u iznosu od 277.814 KM i čine ga: dotacija Općine Tešanj u iznosu 144.840 KM i ostali prihodi 132.974 KM te ukupne rashode u iznosu od 296.052 KM. U tekućoj godini evidentiran je gubitak u iznosu 18.246 KM a nastao je kao rezultat obračuna amortizacije po osnovu opreme Centra za obrazovanje odraslih. Pokriće gubitka u 2014. godini trebalo bi pokriti iz neraspoređene dobiti ranijih godina. Na kraju izvještajnog perioda Agencija je zapošljavala 4 radnika. Nadzorni odbor Agencije održao je 7 sjednica, uz redovno izvještavanje Općine.

### **Zaključci i smjernice Općinskog vijeća Tešanj za „TRA“ u 2015:**

1. Agencija će nastaviti redovne aktivnosti pripreme i implementacije projekata za potrebe realizacije strateških ciljeva Općine Tešanj, javnih preduzeća i javnih ustanova,
2. Agencija će uspostaviti operativni ured za rad sa investitorima i poslovnom zajednicom,
3. Obzirom na način nastanka gubitka, izvršiti će se usklađivanja konta razgraničenja sa troškom amortizacije kako bi se eliminisala mogućnost nastanka gubitka po ovom osnovu u budućem periodu.

#### **OBRAĐIVAČ**

Služba za finansije, privredu, komunalne i  
inspekcijske poslove  
Hamzaliya Hojkurić, dipl.oec

#### **OPĆINSKI NAČELNIK**

Mr. Sc. Suad Huskić, profesor